

ՀԱՇՎԵՏՎՈՒԹՅՈՒՆ

2025 թվականի հուլիսի 8-ից-10-ը Շվեյցարիայի Համադաշնություն գործուղման արդյունքների վերաբերյալ

1. Անունը, ազգանունը՝

Գևորգ Պապոյան

2. Զբաղեցրած պաշտոնը՝

ՀՀ էկոնոմիկայի նախարար

3. Գործուղման վայրը և ժամկետները՝

Շվեյցարիայի Համադաշնություն, ք. Ժնև, 2025 թվականի հուլիսի 8-ից-10-ը

4. Հրավիրող կողմը՝

Մտավոր սեփականության համաշխարհային կազմակերպություն (ՄՍՀԿ)

5. Գործուղման նպատակը՝

Մասնակցություն Մտավոր սեփականության համաշխարհային կազմակերպության (այսուհետ՝ ՄՍՀԿ) անդամ երկրների Ասամբլեաների 66-րդ շարքի հանդիպումներին:

Մասնակցություն ՄՍՀԿ անդամ երկրների Ասամբլեաների 66-րդ շարքի հանդիպումների շրջանակում կազմակերպված միջազգային ցուցահանդեսի՝ 2025թ. հուլիսի 9-ին կայացած պաշտոնական բացման արարողությանը, Հայաստանի Հանրապետության կողմից ազգային տաղավարով ներկայացված մշակութային ցուցահանդեսին, որը նվիրված է ավանդական գիտելիքներին, արհեստներին և ֆոլկլորին:

6. Քննարկված թեմաները՝

- Մտավոր սեփականության պաշտպանության հետ կապված հարցեր
- Մշակութային ժառանգության դերը մտավոր սեփականության համաշխարհային էկոհամակարգում
- Հայկական գինեգործության ոլորտի զարգացման և միջազգային շուկայում նրա դիրքի ամրապնդմանը վերաբերող հարցեր
- Ստեղծարար արդյունաբերության խթանմանը վերաբերող հարցեր
- Նորարարական նախաձեռնությունների խթանմանը վերաբերող հարցեր

7. Հանդիպումները, ելույթները, բարձրացված կամ քննարկված հարցերը՝

Ասամբլեաների 66-րդ շարքի հանդիպումների շրջանակում ՄՍՀԿ գլխավոր տնօրեն Դարեն Թանգը ներկայացրել է ՄՍՀԿ տարեկան հաշվետվությունը և ՄՍՀԿ 2026-2027թթ. աշխատանքային ծրագիրը, որից հետո ՄՍՀԿ անդամ երկրների ներկայացուցիչները հանդես են եկել ելույթներով՝ ներկայացնելով իրենց երկրներում մտավոր սեփականության ոլորտում կատարված բարեփոխումները:

Այցի շրջանակներում՝ 2025 թվականի հուլիսի 9-ին կայացել է երկկողմ հանդիպում ՄՍՀԿ գլխավոր տնօրեն Դարեն Թանգի հետ: Հանդիպմանը մասնակցում էին նաև Շվեյցարիայի Համադաշնությունում ՀՀ արտակարգ և լիազոր դեսպան Հասմիկ Տոլմաջյանը, ՀՀ էկոնոմիկայի նախարարության Մտավոր սեփականության գրասենյակի ղեկավար Քրիստինե Համբարյանը, ՄՍՀԿ գլխավոր տնօրենի տեղակալը և ՄՍՀԿ այլ ներկայացուցիչներ: Հանդիպման ընթացքում կողմերը քննարկել են Հայաստանի և ՄՍՀԿ-ի միջև համագործակցության խորացման ուղիները՝ ընդգծելով հատկապես ստեղծարար արդյունաբերության, մտավոր սեփականության պաշտպանության, նորարարական նախաձեռնությունների խթանման և ՀՀ ազգային մտավոր սեփականության ռազմավարության արդյունավետ իրագործման կարևորությունը:

2025 թվականի հուլիսի 8-ից-17-ը ժնևում անցկացվող ՄՍՀԿ անդամ երկրների Ասամբլեաների 66-րդ շարքի հանդիպումների շրջանակում Հայաստանի Հանրապետությունը ներկայացված է առանձին ազգային տաղավարով, որի բացման պաշտոնական արարողությունը տեղի է ունեցել 2025թ. հուլիսի 9-ին:

Ցուցահանդեսին ՀՀ մասնակցությունը կազմակերպվել է ՀՀ էկոնոմիկայի նախարարության կողմից՝ ՀՀ կրթության, գիտության, մշակույթի և սպորտի նախարարության հետ համագործակցությամբ: Միջոցառման նպատակն է միջազգային հարթակում ներկայացնել և արժևորել Հայաստանի Հանրապետության մշակութային բազմազանությունն ու հարուստ ժառանգությունը՝ շեշտադրելով ավանդական գիտելիքների, արհեստների և ֆոլկլորի նշանակությունը: Ցուցահանդեսի շրջանակներում Հայաստանի ազգային տաղավարն ընդգծում է երկրի մշակութային բազմազանությունը և դարավոր ավանդույթները: Տաղավարն ապահովում է հարթակ՝ միջազգային հանրությանը ներկայացնելու և պահպանելու Հայաստանի ոչ նյութական մշակութային ժառանգությունը: Հայկական կողմի ցուցահանդեսի բացման արարողությանը մասնակցել են Շվեյցարիայի Համադաշնությունում Հայաստանի Հանրապետության արտակարգ և լիազոր դեսպանը, մի շարք օտարերկրյա դեսպաններ, ՄՍՀԿ անդամ պետությունների պատվիրակներ, ինչպես նաև մշակութային և դիվանագիտական համայնքի այլ ներկայացուցիչներ:

Տաղավարում ներկայացված են հայկական ավանդական արհեստների լավագույն նմուշները՝ գորգագործություն, կավագործություն, մանրանկարչություն, ասեղնագործություն, ինչպես նաև ժողովրդական արվեստի այլ տեսակներ, որոնք ներկայացնում են սերունդների միջև ստեղծագործական ժառանգության պահպանման և փոխանցման կենդանի գործընթացը:

Հայկական տաղավարում առանձնացված ձևով ներկայացված է նաև «Արարատ» ապրանքանիշը՝ որպես մտավոր սեփականության միջոցով միջազգային ճանաչում ձեռք բերած հայկական արտադրանքի օրինակ, ինչպես նաև հայկական գինիների ընտրանի, որը ևս կարող է նպաստել երկրի ներդաշնակ ներկայացմանը: Հայկական տաղավարը կգործի ՄՍՀԿ համաժողովների ամբողջ ընթացքում՝ դառնալով մշակութային երկխոսության, համագործակցության և ազգային ինքնության արժևորման հարթակ:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝

ՄՍՀԿ գլխավոր տնօրեն Դարեն Թանգի և ՀՀ էկոնոմիկայի նախարար Գևորգ Պապոյանի միջև կայացած հանդիպման ժամանակ կողմերը վերահաստատել են փոխադարձ հանձնառությունը՝ շարունակելու համագործակցությունը, որը միտված է հայկական ստեղծարար տնտեսության զարգացմանն ու մտավոր սեփականության համաշխարհային համակարգում Հայաստանի դերակատարության ընդլայնմանը, ինչպես նաև մտավոր սեփականության ոլորտում ռազմավարական առաջնահերթությունների, իրավական ու ինստիտուցիոնալ համակարգերի կատարելագործմանը:

Կողմերը երկուստեք հաստատել են նաև «Մտավոր սեփականությունը՝ որպես հայկական գինեգործության կայուն զարգացման շարժիչ ուժ» ծրագրի համատեղ շարունականական իրագործումը, ինչպես նաև կարևորել են ՀՀ-ում մտավոր սեփականության ազգային ուսումնական կենտրոնում մասնագիտական՝ ապագա դասընթացավարների ուսուցման ծրագրերի շարունակելու անհրաժեշտությունը: Հանդիպման վերջում ՀՀ էկոնոմիկայի նախարարը ՄՍՀԿ գլխավոր տնօրենին հրավիրել է այցելել Հայաստանի Հանրապետություն:

9. Ստորագրությունը, ամսաթիվը՝

11.07.2025թ.



Հ Ա Շ Վ Ե Տ Վ ՈՒ Թ Յ ՈՒ Ն
 ԳՈՐԾՈՒՂՄԱՆ ԾԱԽՍԵՐԻ ՎԵՐՋՆԱՀԱՇՎԱՐԿԻ ՄԱՍԻՆ

1. Մարմնի անվանումը՝ ՀՀ Էկոնոմիկայի նախարարություն
2. Գործուղման մասին իրավական ակտի համարը՝ ՀՀ վարչապետի N 590-Ա որոշում առ 04.07.2025թ.
3. Անունը, ազգանունը, զբաղեցրած պաշտոնը (մասնագիտությունը)՝

Գևորգ Պապոյան - ՀՀ Էկոնոմիկայի նախարար

(թվարկել՝ պատվիրակություն գործուղելու դեպքում)

4. Գործուղման ժամկետները՝ 2025 թվականի հուլիսի 8-10-ը
5. Գործուղման վայրը՝ Շվեյցարիայի Համադաշնություն (Ժնև)
6. Գործուղման ծախսերի ֆինանսավորման աղբյուրը՝ Հայաստանի Հանրապետության 2025 թվականի պետական բյուջեով արտասահմանյան պաշտոնական գործուղումների համար նախատեսված միջոցների հաշվին:

1) իրավիրող կողմի միջոցների հաշվին հատուցվող ծախսերը
 (թվարկել՝ ճանապարհաձախս, գիշերավարձ, օրապահիկ և այլն)

2) պետական բյուջեի միջոցների հաշվին հատուցվող ծախսերը
 (ՀՀ կառավարության 2005 թվականի դեկտեմբերի 29-ի N 2335-Ն որոշմանը համապատասխան)
 (ընդգծել ծախսերի փոխհատուցման տարբերակը)

ա. փաստացի կատարված ծախսերը հիմնավորող փաստաթղթերի հիման վրա՝ դրանցով սահմանված չափով, բայց ոչ ավելի, քան ցանկով նախատեսված չափերը

բ. գործուղման անհատական իրավական ակտով տվյալ գործուղման փաստացի կատարված ծախսերի հատուցման պահանջի համաձայն

Ծախսի տեսակը		Գևորգ Պապոյան	Ընդամենը (դրամ)
Ճանապարհաձախս	Ավիաճառարության տեսակը (Էկոնոմ դաս, բիզնես դաս)	Էկոնոմ դաս	
	Ավիատոմսի արժեքը (դրամ)	-	-
Գիշերավարձ	Վճարը 1 գիշերվա համար		
	Վճարը 1 գիշերվա համար (դրամ)	-	
	Գիշերների քանակը		
Ընդամենը (դրամ)		-	-
Օրապահիկ	Վճարը 1 օրվա համար (Շվեյցարիա, USD)	158	
	Վճարը 1 օրվա համար (դրամ)	60,745	
	Օրերի քանակը (8, 9, 10 - հուլիս 25թ.)	3	
	Ընդամենը (դրամ)	182,234	182,234
Այլ ծախսեր	Հակահամաճարակային նմուշառումների վճար		
	Մուտքի արտոնագրի վճար		
	Այլ ծախսեր /ՊՊՍ սրահ/	5,000	5,000
Ընդամենը ծախսեր (դրամ)		187,234	187,234
Նախահաշվարկով վճարված (դրամ)		182,234	182,234
Ընդամենը վճարման ենթակա (դրամ)		5,000	5,000

*03.07.2025թ. ՀՀ ԿԲ արտարժույթի միջին փոխարժեք՝ 1 USD

Գլխավոր քարտուղար
 /Գլխավոր ֆինանսիստ/

[Handwritten signature]

384.46



ՀԱՅԿԱՐ ՆԱԽԲՅՈՒ